

Le dotur Eduard Agreiter é demez en lönesc, ai 24 d'aurí. Al vëgn sostituì dala doturia Febbraro, Al Plan, 377 32 88 595 (che á sorvisc ince en dedolönesc).

PLOANIES SAN MARTIN Y LUNGIARÜ

Invit a düc i geniturs che á na picia möta, o n pice möt da batié, përs che aspeta, toc y totes ala preparaziun dl bato, en sabeda, ai 6 de má, dales 15.00 ales 17.00, a Al Plan tl salf de colonia. Por le pice renfrësch dedò arjigné dala Uniu dles Ères n bel dilan. Prenotaziuns 328 07 17 796

L'E.p.L. (Seziun Cors de Dlijia) mët a ji n dé de formaziun por cianturs/ries y chi/chères che se dá jö y chir fora cianties dal liber nù "Laldun le Signur", en sabeda, ai 29 de ma, dales 9.00 ales 15.00, tl salf dla scora a Lungiarü (cun val palsa y dales 12.00 marëna deboriada) Les spëises dl dé de formaziun y ince dla marëna, vëgn sostegnides dal E.p.L.
Anunziésse cina ai 25 d'aurí pro elio@saliet.it cun inom dl/a partezipant/a y numer de fonin. Tolésse do i libri "Saltier" y "Laldun le Signur".

Le KVV y la Ploania da La Val mët a jí en jöbia, ai 11 de ma, n peregrinaje a Madonna della Corona. La coriera pëia ia dales 6.30 dala plaza de dlijia demez y passa a Piculin ca. dales 6.45. L'iade cun marëna costa 65 euro (por chi che á la cherta dl KVV 60 euro). Informaziuns y prenotaziuns cina ai 25 d'aurí pro Marlene Ferdigg 333 88 79 238. Dötes y düc, ince di atri paisc, é bel invia/des!

Invit al iade a Roma dai 2 ai 5 d'otober cun le vësko Ivo Muser por i 20 agn de canonisaziun de sant Ojöp da Oies. Informaziuns plü avisa sot a www.bz-bx.net/de/pilgerbuero/news.html. Prenotaziuns pro le Pilgerbüro dla Diozeja 0471 306 200 o info@bz-bx.net

La festa di patrons dla Diozeja vëgn tignida da sëgn inant ai 13 d'agost. Mo la prozesciun de San Ciascian y San Vigile vëgn impó tignida inant a Porsenú la terza domënia de Pasca.

Festa dl Partí la Bibia: ai 19 de ma, dales 16.00, tla Ciasa dla Familia (Lichtenstern, Ritten). Prenotaziuns cina ai 12 de ma: [seelsorge.pastorale\(at\)bz-bx.net](mailto:seelsorge.pastorale(at)bz-bx.net)

SAN MARTIN

Dilan dl'oferta dl Vëndres Sanc de 1.455,30 euro.

LUNGIARÜ

Dilan dl'oferta de Carsëma che é stada de 2.434,05 € por daidé la püra jënt.

I orun ince dër bel rengrazié Pio Pescoller che fistidiëia ann por ann da condüje adalerch le bel orí portan pro a n bel ingres da festa la Domënia dal Orí

La Uniu dles Ères da Lungiarü mët a jí n curs da cují por principianc/antes cun Loise Verginer. Le curs vëgn tigní tl salf dla colonia da Lungiarü ia por le mëis de ma por 5 iadi dagnora de mertesc, ai 2, ai 9, ai 16, ai 23 y ai 30 de ma, dales 19.30 ales 21.00. Le curs vëgn finanzié dal Consëi de Formaziun. Prenotésse cina en domënia ai 23 d'aurí pro Chantal 348 17 33 391.



unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

23.04. - 30.04.23 n. 22

ultimo termo por comunicaziuns: jöbia, dales 20.00

3ª DOMÈNIA DE PASCA

Vangele do Lüca 24, 13-35

.... Gejú i à damanè: *Ćî èis pa tan da baié, tratan ch'i jëis por osc tru?*
Dailò ési sta chié döt desconsolà, y un de d'èi – al à inom Cleofas –
ti à respognü: Este tan forest a Ierusalem, che t'es le su da ne savëi nia,
çi ch'al é sozedü en chisc dis? Al i à damanè: *Ćî pa?* Ai ti à respognü:
Ći ch'al n'é stè cun Gejú da Nàzaret: Al ê n profet, potënt tles parores y
tles opres dan da Idî y dan da döt le popul. Mo nüsc gragn proi y i
surastanc l'à condanè a mort y l'à fat mazè söla crusc. Nos indere ân
speré, ch'al foss ël che salvass Îsrael.
Y laprò él incö bele le terzo dé da
canche döt cant chësc é sozedü. Mo
nia ma chësc: Ince valgönes ères de
nosc cërtil nes à sprigoré cotan. Ares
é stades da doman fora dal sepolcher,
mo n'à nia ciafè so corp. Canch'ares
é gnüdes derevers ares cuntè, ch'al ti
é aparì agnui che ti ess dit ch'al vir. ...



*I discepui baia de sües esperiënzes y de ci ch'ai á aldí;
ara nen vá de süa vita y de süa esistënza: Co dessera pa jí inant?*

*I me damani, me lasci iö ciamó ite te de te' baiá, y scemai, cun chë pa?
Baié dla Dlijia, co ch'ara n'é nia y co ch'ara dess ester, é òna na cossa.
Mo baié dla fede, de mies cherdënzes y de mi dejiers, é n'atra cossa.*

*Magari podessi fá conferta cun porsones desponibles che sá da me dí val',
da me fá domandes, da me comedé, da m'acompagné?
I discepui á conesciü Gejú dal rumpí le pan.*

*Sunsi arjigné y davert assá, pro le rumpí le pan tla zelebrazziun dl'eucaristia,
da conësce Gejú, da le tó sö te mia vita cun dötes les conseguënzes?
A chëstes domandes ói ti jí do.*

Te Deum

EDEMA - ANN "A"	SAN MARTIN	LUNGIARÜ	
23.04.23 3ª DOMÈNIA DE PASCA <i>Prozesciun a Porsenú de San Ciascian y San Vigile</i>	9.00 Corona 9.30 Gran Mëssa dla Comunité dl ann + Pire Erlacher a d'intenziun <i>al cianta le cor "Mosaic"</i>	7.50 Corona 8.15 Gran Mëssa dla Comunité	 Signur, ví ince cun nos sciöche cun tü discepuí. Splíghesse ince a nos le significat de to tru, por ch'i odunse ite le significat ince de nosc tru. Romagn pro nos, canch'al vëgn da sëra y le dé de nosta vita se röia. Romagn pro nos! Sideste nosc ghest y devënta nosc ostí. Rúmpesse le pan, le pan de tüa parora, le pan de to corp y sanch. Fá ch'i te conesciunse dal rumpí le pan, deache nüsc edli é gonot verc. Fá verde nosc cör ch'i testimoniunse un al ater: Le Signur é ressorí y demeztrú pro nos. Al nes mostra le tru dla vita y nes condüj t'l'abitaziun dl lominus. <i>Rudolf Schnettler</i>
24.04.23 Lönesc <i>Fidelis, Ivo, Teo</i>			
25.04.23 Dedolönesc <i>Merch vangelist, Franca</i>	19.00 Mëssa + Ida Dariz		
26.04.23 Dedemesaledema <i>Maria dl Bun Consëi, Cleto</i>		7.30 Mëssa + Davide Daporta + + Agostin y Maria Daporta + Sepl Clara, Sanví	
27.04.23 Jöbia <i>Pire Canisius, Zita</i>			
28.04.23 Vëndres <i>Pire Chanel, Valeria</i>	18.30 Adoraziun chîta 19.00 Adoraziun deboriada		
29.04.23 Sabeda <i>Catarina da Siena, Roswita</i>		18.30 Mëssa prefestia por familia Maria, Sanví + Ida Nagler, Mair + Carlo Planatscher	
30.04.23 4ª DOMÈNIA DE PASCA <i>De mondial de oraziun por vocaziuns</i> 14.00: Prozesciun por vocaziuns da San Linert sö Oies	8.45 Prozesciun de San Florian a Picolin 9.30 Gran Mëssa dla Comunité en onur de San Florian cun y por i Stödafüch + Erwin Rungger (dl ann) + + Sepl y Regina Clement (dl ann) + Pasquale Schuen	7.50 Corona 8.15 Gran Mëssa dla Comunité en onur de San Florian cun y por i Stödafüch Benedisciun di auti y dles mascins 13.00 Bato de - Damian Clara de Arthur y Verena - Emmy Clara de Hubert y Ester	